

Yungzanh: Banggungz Cehgenh Ganj Nyib Buhhagdangz Angqciep Haihag

“Dadada……” Youq ndaw banggungz cehgenh Yungzanh Yen Yungzangh Segih senj dieg neix, aencibuh cienqloekloek mbouj dingz. 4 nyied 16 hauh, Yungzanh Yen Yungjagangh Segih senj dieg banggungz cehgenh ndawde, cib geij boux vunzguh hong cingq ganj nyib buhhagdangz, doq guh ndei fuengzre gaemhanh binghraq doq ca ndei fukgoeng swngchancj, caenhrengz baujmaenh hawciengz gunghawj, cehgenh yienh’ok cungj gingjsiengq nyaengqnyatnyat ndeu. Aen cehgenh neix saedbauj gij hagseng aenvih binghraq caengz ndaej cingqciengz haihag haenx youq haihag gaxgonq lingx ndaej buhhagdangz moq, doengzseiz bang hohgungzhoj ndaej hong guh, saedbauj gyoengq vunzlai gungzhoj buen ndaej ok、louz ndaej youq、miz saeh guh、ndaej baenzfouq.

(Veiz Yungzginh/韦荣军 Cinz Swjgen/陈子建 Liuz Liengzcunh/刘梁春 Siuh Vanjsah/肖婉莎)

► Bouxguh hong youq banggungz cehgenh nyib buhhagdangz.



Gunghcwngz: Dajcauh Yienhsingz Gyaundeihabyouq

4 nyied 15 hauh, gyoengq bouxguh hong Gunghcwngz Yauz-cuz Swciyen cingq ciengj ca seizgan, bae gajcauh gij yienghsiengq yienhsingz daeg-saek. Gunghcwngz vih lienz-daemh doicaenh hwnqguh yiengh lajmbanj gyaundeih, daezswng gij yienghsiengq yienhsingz, gajndeih vanzging diegyouq, daezsang caetliengh saedceij, aen yienh neix cingq ciengj ca seizgan hengzguh 《Lajmbanj Yienghsiengq Daezswng Sam Bi Hengz-doengh Fueng’anq》. Aen yienhsingz “muengh ndaej raen bya、yawj ndaej raen raemx、geiq ndaej laeg mbanjranz” caemhcaiq gyaundeihabyouq ndeu, yaek baij youq dangqnaj vunzbiengz.

(Liengz Veih/梁辉 Lij Mauryang/李茂香)



► Bouxguh hong gajcauh gij yienghsiengq yienhsingz.



▲ Banggungz ganbu cigboq gai gaeqdoj.

Lungzswng: Banggungz Ganbu Bang Nungzhoh Youq Gwnz Muengx Gai Huq

4 nyied 14 hauh, youq Gveilnz Si Lungzswng Gak Cuz Swciyen Gyanghdij Yangh Cwnzlingj Cunh, banggungz ganbu Hoz Bingz doenggvaq cigboq yiengq beixnuengx gwnz muengx langhbaej gij gaeqfungh youq dangdieg ciengx haenx. Vih bang bouxguh naz dangdieg gai huqdoj gag ndaem gag ciengx, de dang “vangjloz cawjboq” cigboq gai huq, ndaej vunzlai haenhndei.

Souh binghraq feiyenz yingjyangj, Lungzswng gak aen yanghcin gij bitgaeq、mak byaek daengj huqdoj miz mbanj gai mbouj okbae. Vih gemjnoix sonjsaet, aen yienh neix, haigvangq diuzloh vih vunzlai youq gwnz muengx siugai huqdoj, bang bouxguh naz demlai souhaeuj.

(Banh Cisiengz/潘志祥 Mungz Sanghvej/蒙双伟)



▲ Bouxndaemnaz youq ndaw naz dawzrauq.

Yungzsuij:

“Goekhawx” Nyaengq Cae Rauq

Seizcin yaek gvaq, dienheiq hoiz raeuj, fwn doek raemx gaeuq. 4 nyied 19 hauh, dwg gij “goekhawx” ndaw 24 cietheiq. Youq Yungzsuij Myauzcuz Swciyen Yungzsuij Cin Sihgoz Cunh, bouxndaemnaz ciengj ca seiz dajndaem, guh gij hong ndaemcin、guenjin, gyoengqde youq ndaw naz bau gyaj、ndaem gyaj、yungdohlahgih rauq naz、vanq vafeiz、mbaetsou namzgva iq, gwnz reih ndaw naz dauqcawq guhhong nyaengqfoedfoed.

(Lungz Linzci/龙林智)